

**ZAKON
O IZMJENI I DOPUNI ZAKONA
O SOCIJALNOJ ZAŠTITI,
ZAŠTITI CIVILNIH ŽRTAVA RATA
I ZAŠTITI PORODICA S DJECOM**

Član 1.
(Izmjena)

U Zakonu o socijalnoj zaštiti, zaštiti civilnih žrtava rata i zaštiti porodica s djecom („Službene novine Srednjobosanskog kantona“, broj: 10/05, 2/06, 3/18, 9/22,4/23 i 9/25), u članu 35. stav (4) se briše.

Član 2.
(Dopuna)

Iza člana 35. dodaje se novi član 35 a. koji glasi:

„Član 35 a
(Pravo na naknadu za troškove pogreba)

(1) Pravo na naknadu za troškove pogreba priznaje se fizičkom ili pravnom licu koje je podmirilo troškove pogreba ili izvršilo uslugu pogreba za lice:

a) koje je u trenutku smrti bilo korisnik prava na stalnu novčanu pomoć prema rješenju centra za socijalni rad ili službe za socijalnu zaštitu;

b) koje nije imalo zakonskog ili ugovornog obveznika uzdržavanja ili ukoliko je imalo da ta lica nisu u mogućnosti izvršavati obavezu uzdržavanja, a koje je u trenutku smrti bilo korisnik prava na uslugu smještaja u ustanovu socijalne zaštite ili udomiteljsku porodicu, za koje je troškove ili dio troškova smještaja snosilo Ministarstvo, a na osnovu rješenja Centra za socijalni rad ili Službe socijalne zaštite pod uslovom da za ta lica nije postojao ugovor o doživotnom uzdržavanju kada obaveza plaćanja pada na teret centra za socijalni rad / službe socijalne zaštite koje je isti potpisalo.

(2) Pravo na naknadu za troškove pogreba uključuje samo najnužnije troškove i priznaje se do iznosa koji će se utvrditi posebnim pravilnikom, a isti ne može biti veći od prosječne plate u Kantonu za prethodnu godinu.

(3) Ukoliko se pravo na troškove ili dio troškova pogreba može ostvariti po nekom drugom osnovu, licu iz stava (1) ovog člana pripada razlika do iznosa iz stava (2).

(3) Lice iz stava (1) ovoga člana dužno je podnijeti zahtjev za naknadu troškova pogreba u roku od 30 dana od dana smrti i uz isti priložiti dokaze o najnužnijim troškovima pogreba.

(4) Postupak, uslovi, potrebna dokumentacija, iznos i definisanje najnužnijih troškova utvrdit će se posebnim pravilnikom koji će se donijeti najkasnije u roku od 15 dana od dana stupanja na snagu ovog Zakona.“

Član 3
(Stupanje na snagu)

Ovaj Zakon stupa na snagu osmog dana od dana objave u „Službenim novinama Srednjobosanskog kantona“.

Broj: 01-02-1448/25 PREDsjedavajući SKUPŠTINE

17. decembra 2025.

Travnik

Dražen Matišić, s. r.